

蘄水縣志卷之十五

知蘄水縣事多祺纂輯



人物志

列女

昔劉向傳列女義取勸懲不存一操范史因之亦采才行高秀者非獨紀節烈也後之史家多取患難顛沛殺身殉義之事近又專採節烈中之蒙旌者斯亦取之嚴矣夫從一之義出於性天當其之死靡他豈有望旌之見存其意中而主持風教者則不可

蘄水縣志

卷之十五

列女

一

沒而表彰之所以扶翼教化也故余作列女傳於旌之外又錄其實蹟可旌而未遇暨一切淑配賢母以爲閨中之範云

元

武氏趙正二妻夫亡年二十二家貧守節奉舅姑尤謹

事聞 旌表 舊志

明

王氏甘原禮妻夫亡年二十四茹貧守節五十三年洪

武初 旌表 舊志



潘氏李渭妻永樂時人年二十三夫亡七月生遺腹子  
某守節歷五十九年終

呂氏劉永釗妻年二十四夫亡父母欲奪其志引刀破  
面乃止守節五十八年壽八十二終子醇事呂盡禮  
載孝子傳

胡氏汪弼繼妻年二十三夫亡妾楊氏生遺腹子某兩  
人誓死共守勤紡織自給事姑孝謹不匱人稱雙節

舊邑志止載妻某氏  
郡志作繼妻今從之

楊氏王仲謨妻九歲通列女傳十五適仲謨越二年謨

蕪水縣志

卷之十五

列女

二

歿父強之再適氏斷髮自誓敬事舅姑撫遺孤以完

節終舊邑志遺氏  
姓今從郡志

胡氏周道妻宏治時人年二十夫亡子鳴球在襁褓姑  
舅憐其少令再適以死誓守節六十年如一日

楊氏周鳴復繼妻楊景春女年十九適周僅一年無出  
夫故撫前妻子延祚如已出敬事舅姑至老不渝

程氏李黃妻鄉賢李宗元之冢孫婦儒林程轍之長女  
也年二十五夫歿治葬卽成二礮虛右自待氏言動  
一秉於禮簾幃肅如遷葬舅姑定立嗣子俱竭心力



家有餘貲施建六神港石橋邑人賴之有司屢旌其門至八十九壽終

鄧氏庠生張存貴妻貴家貧好學年二十餘歿氏苦節孀居其舅時年九十病篤氏夜夢神告之曰何不救汝舅氏思家貧無從得藥餌乃齋沐籲天剖股以進時室有異光舅復蘇者五年氏亦年七十二終

何氏庠生蔡寵妻十六適寵十八生男際盛甫百日寵歿氏撫孤守節甘荼如飴歷五十九年終闔族欽之楊氏庠生徐尙國妻贈徵仕郎楊申春女也性嚴毅有

蕪水縣志

卷之十五

列女

三

丈夫概年十八夫亡遺腹生子鉉氏泣血撫孤後補邑庠生姑病剖股以救守節五十年萬曆四十三年事聞奉 旨建坊題曰純孝完節

劉氏周鳴洛妻正德時人年二十餘夫亡子延甲方三歲次延第尙襁褓氏撫二孤課之有成苦節四十餘年延甲中萬曆癸酉鄉試孫之士亦中天啓丁卯鄉試

楊氏周延祚繼妻夫亡時年十九矢志守節父母欲奪之以死誓氏無出撫前孤如己子人無間言



胡氏李彰芳

舊邑志作彰郡志  
省志俱作漳芳誤

妻知事胡仲哲女嘉靖

壬戌夫卒氏年三十次子僅二齡誓志撫孤乃家季  
不淑欲迫遣之母家亦恕置不顧艱楚萬狀氏益激  
勵茹苦課子勤女紅自給以老壽躋九十學師青邑  
宰游咸以節孝上聞云  
按郡志載年二十二  
夫卒誤今從舊邑志  
鄭氏舉人易文訓妻文訓以嘉靖辛丑會試歿於京櫬  
歸氏哭泣治喪葬祭悉如禮庭羸嘔血濱死者二十  
餘年訓弟文誥妻李氏李春之女也誥亦早逝子偲  
生甫八月家甚貧兩人誓死靡他人稱雙節

新水縣志

卷之十五

列女

四

廖氏袁正魁妻年十八夫亡撫藐孤貞誓死泣血至七  
十六歲終萬曆間邑令具詳申院略云白屋甘貧青  
年砥節引繩卻聘猶存項上之痕拾穗存孤常洒指  
中之血受盡五十八年之苦方完七十六歲之貞事  
聞奉旨建坊

潘氏李學妻年二十一夫亡家貧守節躬紡織撫從子  
某業儒有成後從曾孫李世太列邑庠生

羅氏郭廷庠妻年二十八夫亡家貧撫二子親操井臼  
織紉供養舅姑至六十八而終孫士望官祠部時以



祖母羅節三疏乞旌情詞哀摯奉旨建坊曰天彰節  
孝

湯氏庠生楊伯亮妻年十九夫亡矢志冰霜撫孤繼震  
有成後補邑諸生壽七十五卒

畢氏庠生李浹嗣妻貢生畢良謨女年二十七夫亡畢  
矢霜操力承先業延師課子每歸必令背誦不能則  
夏楚之若嚴師然歿年六十五歲邑侯游學師青俱  
表其門以上舊志

林氏徐存念妻嫻禮教于歸奉孀姑陳敬順相夫勤謹

蕪水縣志

卷之五

列女

五

居家嫌微必飭存念歿氏年三十遺孤三氏痛其夫  
以蚤孤廢學資志沒因汲汲教子讀書復世業畫出  
就外傳暮歸卽篝燈徹夜躬紡績課誦不倦或燃膏  
不繼責令拾薪葉供夜燃母子同照各業也後其子  
宗齡祖齡以學行深偉爲名諸生氏稍以自慰年六  
十一歿孫子芳爲邑名儒今後嗣詩書科甲繼美云

邵志

蔡氏庠生楊學溥妻年十八夫亡苦節五十年終

舊志

畢氏王望民妻年二十五夫亡遺腹生子宗竝辛勤撫



育萬狀艱難歷五十餘年不以爲苦孫士廉補邑諸生

袁氏程若召

郡志作  
沼誤

繼妻夫亡奉孀姑盡禮冰雪自持

四十餘年前妻周氏遺一子氏出有五子俱撫之如

一夫遺緒業半予周子半食五子人稱其賢後五男

皆庠生孫維伊曾孫士棟五世孫應麟鳳翽等聯綿

科第

舊志參  
新增

孫氏張邦恆妻年二十五夫亡遺子五衡甫四齡氏茹

藥自甘躬維織給五衡讀書資後中順治戊子鄉試

蕪水縣志

卷之十五

列女

六

氏年五十終

朱氏華甲妻年二十二夫歿守節至五十四終

以上  
舊志

繆氏庠生戴添眷妻年十七夫亡無嗣柏舟自矢事舅

姑極謹性儉素惟一老僕備菜以給饗餼親姪之宅

一足不履言動秉禮者數十年初寄居姪孫之廊房

及疾革謂姪孫曰爾遷我於正寢使得正而斃焉壽

九十一終邑令李大受李汝燦劉佑李長敏俱爲表

額 續志

周氏名致柔字德芳邑名士馬延廉女之篆女弟也博



覽經籍工詩文適邑諸生朱期晉子朝吉朝吉母微  
初有娠爲其嫡所嫁嫁踰月生朝吉長於農家後期  
晉無子知之始認歸年已十七矣氏歸朝吉數年朝  
吉歿以柏舟自矢年未三十亦歿所著有鳴鞘集未

梓

邵志以  
上節婦

徐氏蔡國嵩妻幼失明外舅欲議毀時氏年十一聞之  
泣訴於父曰女無再許曷爲寒盟議遂寢後歸蔡鴻  
案相莊生子二長光翰次光馥俱補弟子員邵志

陳氏庠生南有恒妻夫亡遺子南仲甫八月氏苦節撫

蕪水縣志

卷之十五

列傳

七

之有成歷二十六年崇禎十六年流寇難遇害子仲

膺順治戊子選貢爲澄海令

舊志

李氏南邦鼎妻貢生李仕女年二十六夫亡無出矢志  
守節齋素自持崇禎十六年死於流寇之難時年已  
六十矣稱完節云

尙氏詹某妻貧家女卓有丈夫概夫家眾凡事取平於  
尙尙誠足以服人也值流寇突至不及避踞坐大呼  
曰死卽死耳不能向汝賊求生遂遇害

吳氏蔡應兆妻夫以繼母奇嚴逼令自縊氏年二十二



痛憤死守姑復逼之萬狀噉粥茹蔬雖兩殮亦不飽也永操三十一年崇禎十六年獻賊屠城遇害死

洗馬畷婦崇禎間流寇充斥寇往兵來婦為兵所執死不受汚兵刃其腹婦一手抱嬰兒一手捧腹死氣不

即盡以待夫夫至付兒放手而斃載明史

時官兵駐

賊往往取民首級以獻俘郡志作賊執誤

李氏庠生何之旦妻李大魁之女也崇禎八年二月流寇至蘄被執逼之去不從賊眾挾之氏罵益厲啣賊求死賊怒刺之創徧體無懼色賊斷其頸死從婢阿

蘄水縣志

卷之五

列女

八

來抱李幼女守側哭賊奪女將殺之婢不與伏地以身庇女賊刺數十創婢女俱死載明史

畢氏徐一三妻邑孝廉畢期珩妹也崇禎十年正月十

八日流寇突至執氏以威劫之氏大罵曰我夫若父

兄皆何如人而為爾汚自己達午罵不絕口卒不屈

乃殺之邑令詳申學憲王旌以貞烈二字其夫一三

雙目為土賊所刺猶吟咏不輟每有作令他人書以

自怡適蓋亦有積學焉惜無存稿

以上舊志

李氏庠生南有杞妻崇禎十年避賊山寨寨破被執促



之上馬去氏厲聲大罵賊乃刺殺之邑令申文巡按  
林請旌其詞有曰欲斷李媛之臂毋慚南八之心後  
以于之傑貴 贈孺人康熙二十五年撫軍石琳贈  
以貞烈風世四字旌之之傑妻周氏崇禎十六年獻  
賊陷城亦以烈殉後以之傑繼妻高氏子夢班貴

贈宜人 通志

柴氏庠生郭鞏妻柴美之孫女也流寇至氏被執欲污  
之氏罵曰余家累世清德安能從狗彘求生可速殺  
我賊就臂間砍之見肝而死 舊志

新水縣志

卷之十五

列女

九

姚氏庠生南士華妻姚相國明恭姪女明季避賊於寨  
寨破見夫被虜痛哭號救賊以兵威之氏曰吾以得  
死爲幸遂死之 邵志

孟氏王靈妻崇禎八年二月初四日流寇突至團陂執  
氏以刃劫之氏奮聲罵賊抵死不辱賊忿甚遂殺之  
是日與王教民以子代父同日死邑令爲立王氏表

異傳 舊志

南氏庠生游文錦妻庠生南望斗女適游生子一值流  
寇掠野猝不及避與婢一兒匿林中囑夫負于去且



與訣如被獲誓不與賊俱生後賊搜獲逼之據樹罵賊不從賊怒殺之後文錦尋於匿處氏死兩眼俱淚手猶抱樹不解一兒身被數創祇氣未絕續邑志補遺傳

王氏蘄水人劉氏黃岡人相國姚明恭側室也俱室女

歸姚王生二女子名有家劉生一男子名師道敏達

而殤順治二年楚兵亂徙家江西之信州道經潯陽

都統兵士雲屯鼓行劫鈔適放舟利鏃如雨明恭躍

入小艇得脫王劉兩人爭赴水死邑人周壽明以詩

弔之

附周詩只今遠亂泛江濱鼓劫中流車騎軍月照雙雙湘女淚波翻片片石榴裙匡巖木土難

蘄水縣志

卷之十五

列女

十

消怨水抵魚龍共御君黃閣玉琴攜不去年年兩鶴哭潯雲 舊志

周氏副貢徐蕙映妻周延廉次女幼與某姊德芳兄之

冠之篆俱有才名長適徐相夫子以學閨閣間唱咏

盈帙崇貞十六年流寇亂城陷與夫俱死之遺一子

暹好學自書屋繩城脫出暹原配邱氏亦自潰城避

走度不得免投溪潭死

邵志

吳氏庠生蔡應渚妻崇禎十年寨陷不屈投水死繼廖

氏崇貞十六年城破抱子同溺

邵志

蔡氏孝廉楊簡妻年十六適簡勸家政有賢聲值明季



寇亂倉皇多故崇禎十六年簡攜二子避賊江南留  
氏在城臨行囑曰吾婦可出則出毋蹈險以自危也  
三月初五城破氏謹奉夫言遂以身陷 邵志

胡氏錢應運妻崇禎末流寇屠斫氏抱幼子避之相遇  
青木畝寇令去子以從氏指罵不輟誓死不污寇怒  
兵之既死而子猶在抱僵立不仆人咸異之因名其  
子爲成節 邵志

鄧氏陳所望妻鄧子愛之女也崇禎末流寇突至所望  
以搬糧入城未出氏急挾子心壽匿河巖中被賊搜

執推兒入河挾氏上馬氏堅不從投地者數次賊怒  
曰不去卽殺氏大呼曰甯殺不辱賊遂殺之越二日  
賊去所望乃歸收葬焉 邵志

鄔氏徐文覲妻崇禎十六年流寇襲斫文覲父母新殯  
見賊勢熾城且晝閉不敢啓因縋柩出城安厝囑氏  
偕子媳居守期以葬畢來攜三月六日城陷賊眾提  
刀入室逼氏欲擁之去氏給之與俱至南關外湧戶  
臺下投河死媳張氏亦隨死鄔氏年三十三張時年

十五

邵志 以上  
遇寇守節



烈婦徐氏程安國妻徐景位孫女也年十六歸安國嫻禮義事姑至謹夫暴病外戚家有張某爲力求醫藥不愈竟歿凶聞至氏慟絕不欲生姑勉諭強起營葬爲兩壙虛一自待悉檢什器奉姑曰婦不卽死者爲夫疾時勞張君未謝也頃之張來弔氏備酒饌拜謝畢遽投夫墓側池水死時年十七

舊志

烈婦陳氏甫十四歲適鐵匠周世文姑寡贅夫蔡鳳鳴窺氏少女挾姑勢百計迫之堅拒不從告太姑曰兒不能爲狗彘矣夜自縊死隣黨喧傳聚觀烈日中面

蕪水縣志

卷之十五

列女

十二

色如生耆儒謝朝宣皮子恕摘文祭奠進士何文興

爲作傳

舊邑志遺載郡志

烈婦申氏李新期妻夫死土人李豺恃爲宦戚且積役也漁色強委禽焉氏斷髮不從豺劈門縛至其家乃

自縊死明季喪亂無敢白其冤者

舊志以上烈婦

烈女王夢貞王論女也字某氏未嫁曾祖母喪女翁率媚行奠女守禮不出有輕薄子讀祝歸嫁言得覩其女女聞之怒曰造言嫁污我詎可受此疵耶遂憤自縊死嗟哉夫以一言之污而不受甘心就死非義烈



者不能也其父論以女附葬妻錢氏墓側鐫詩碑陰

時嘉靖三十七年季冬事也

舊志烈女

按劉志云順治十四年適修邑志聞此事往求其墓掘殘碑見論詩距嘉靖戊午歷百年始得為之表彰詩附載自古皆有死吾兒死可傷已知讒口誣誰識鐵石腸氣薄雲霄暗名垂草木香祇憐遺史筆刻石

豎壁傍

袁氏程祖妻有懿行奉舅姑必適其意相夫無違教子

嚴而有法鄉里則之號女中君子後子孫科第聯綿

稱盛

舊志參新增

汪氏孺人壽光知縣蔡國琦妻姑病劇氏侍湯藥不倦

蕪水縣志

卷之五

列女

十三

兩次割股以愈族黨異之

邵志以上孝婦

右自元迄明計五十五傳計節婦烈婦烈女孝婦共

六十四人

國朝

歐烈女黃岡歐彝臣女性端厚每樂誦貞烈事幼許字

蕪水儒童徐基盤年二十間基盤病篤私憂不食及

基盤歿女自縊死父母昇而合葬之康熙五十九年

旌

省志作廣濟徐基盤妻非

江氏生員徐時可妻姚氏生員徐梁妻江年二十一適



徐生子梁年五歲夫歿撫梁年未弱冠爲諸生復夭  
偕婦姚氏撫育諸孫倍嘗險阻卒全其志今子孫文  
武科第蟬聯咸以爲累世苦節之報康熙六十年  
旌

龍氏張登翼妻年十九夫亡舅姑衰老一子在襁褓家  
貧勤操作課子永綏爲諸生年八十歿雍正元年  
旌

郭氏周有繼妻年二十一夫亡孝事舅姑撫孤廷德能  
文工詩皆氏教督之益也苦節七十餘年壽九十六

蕪水縣志

卷之十五

列女

十四

歲雍正元年 旌

張氏高元哲繼妻年十九而寡未生子撫前室二子如  
己出年五十歿雍正元年 旌

烈婦吳氏范彩雲妻歲饑隨夫乞食至黃岡宿賀家坳  
涼亭夫早出行乞樵于田士義過亭見氏獨處欲犯  
之氏大罵不從田以斧砍之創甚越五日而亡出後  
伏法雍正二年 旌

汪氏戴三祝妻年二十七夫亡舅姑未葬氏力舉三柩  
無缺禮氏幼通經史親教其子縉雲成明經纂先賢



嘉訓垂爲家範年八十四歿雍正三年 旌

曾氏戴晉琮妻年二十四夫歿哀痛慘切每哭暈絕事  
舅姑盡孝撫孤子成立雍正三年 旌

梁氏戴起源妻夫病年餘扶持無倦色夫亡撫遺腹子  
性至孝祖姑年老畏寒每晨溫衣而進晚爲熏被代  
覆俟安寢乃退飲食起居皆適其宜舅姑以是益愛  
之雍正三年 旌

易氏程朝鼎妻年二十二夫亡僅遺二女立從子枚爲  
嗣力撫成之娶婦生子祉仁又天氏惟二女是依長

蘄水縣志

卷之十五

列女

十五

適貢生徐雲文次適庠生楊春齡氏素介性守貞足  
不越戶閩必二女強迎之始一至壽八十有一終前  
數日在徐氏自知將盡謂外孫聞昌曰我程氏婦也  
當終程氏速送我歸歸遂逝雍正四年 旌

南氏高啓疆妻年十九夫亡撫遺腹子至十餘歲而殤  
觸柱幾死守節三十餘年雍正四年 旌

聞氏程楷妻聞啓謨女年二十二夫亡立從子志道爲  
嗣復天氏寡居無依堅貞不渝苦節數十年又立從  
孫基繼志道之後年七十餘終雍正十一年 旌



蔡氏楊成雲妻庠生蔡國蒲女年二十四夫亡孝事舅  
姑遺孤本性早夭立從子傑性爲嗣苦節五十二年  
雍正十一年 旌

江氏監生袁其昭妻年二十六夫亡撫二孤之明之曉  
俱成名雍正十二年 旌

楊氏李蕓妻年二十二夫歿撫孤永治成名孤歿復撫  
兩孫雍正十三年 旌

張氏鄭文衡妻年二十七夫亡奉事孀姑撫孤毓珠成  
名守節三十四年雍正十三年 旌

蕪水縣志

卷之五

列女

十六

楊氏監生李幹貞妻贈文林郎楊道曾之女年二十三  
夫亡無子矢志守節遺腹一女適蔡立從子紹總爲  
嗣方嗣之未立也氏孤撐獨立支持先業修理祠墓  
捐田附祀閭黨稱之雍正十三年 旌年八十餘

終

鄒貞女麻城舉人鄒汝治女幼許字進士徐廣淵子如  
樸未婚樸夭女年二十聞訃力請於父母往弔之遂  
茹素奉姑立從子爲嗣從子復夭與婦陳氏依姪守  
貞以終乾隆元年 旌



華氏王步瀛妻年十九夫亡無子立從子爲嗣守節三

十三年乾隆元年 旌

汪氏徐如梅妻年十二夫歿立從子爲嗣守節二十七

年乾隆元年 旌

戴氏徐基美妻庠生戴士桂女年二十八夫亡僅一女

立從子清緒爲嗣守節二十六年乾隆元年 旌

何氏畢開祐妻年二十九夫亡孝事孀姑撫二子成立

守節二十九年乾隆元年 旌

朱氏萬永慶妻年二十有三夫卒姑目失明克盡孝養

蕪水縣志

卷之十五

列女

七

撫幼孤成名守節六十一年乾隆元年 旌

李氏胡澗詔妻年二十而寡立從子爲嗣守節四十四

年乾隆元年 旌

程氏李聞璠妻年二十四夫亡一子旋夭立從子爲嗣

守節四十年乾隆元年 旌

王氏蔡友仁妻年二十夫歿矢志從一孝事舅姑姑失

明兼患痿疾常臥床縲氏御衣進履寒暑不輟者七

年撫孤以位爲諸生邑令李育劉光然皆顏其門一

日雪古瑤池一日陶孟芳徽苦節六十一年八十有



一終乾隆二年

旌曾孫婦范氏蔡清德之妻年

二十一而寡無子守節五十二年人以為有曾祖姑

之風焉立姪東白為嗣壽七十三歲終

邵志參  
新增

楊氏畢開疆妻贈文林郎楊道會之女也年二十八而

寡捋荼集蓼撫孤長封斗優貢生次揚楚庠生苦節

二十五年乾隆二年

旌封斗以教習歿於京遺

孫從乾六歲氏與婦李氏復撫之十二年氏始終揚

楚妻亦先氏一年歿

袁氏黃從震妻年二十夫亡家貧竭力撫孤復憫從姪

蕪水縣志

卷之五

列女

六

幼孤無依鞠養授室苦節五十四年乾隆三年 旌

江氏監生方師璋妻年二十二夫亡守節孝事舅姑撫

兩孤成美成傑俱列成均氏中年得疾幾危成美由

是精岐黃術調痊三十餘年壽八十有五乾隆四年

旌孫御龍國學生

王氏生員楊永煜妻李氏楊永煜妻馮氏生員楊元昊

妻夫俱早歿娣姒同爨共矢柏舟王李撫字遺孤馮

氏立嗣奉祀一門三節乾隆四年

旌

周氏生員程正炳妻陳氏程士豹妻蔡氏生員程正煒



妻周氏年二十八守節撫孤士豹天婦陳氏十九矢志撫孤原銓復天炳弟正焯妻蔡氏年十八守節撫孤學環成立候選縣佐長孫應麟中乾隆癸酉經魁直隸試用知縣次孫繼東邑庠生蔡以之嗣陳氏後三孀同節乾隆四年 旌 本郡志邵志參新增

張氏國學生徐與參妻邑庠生張師藝女年二十八夫亡欲以身殉姑抱遺孤強起之以夫未了局自肩事舅姑逮祖舅姑皆盡禮撫五歲孤宗漣成立守節二十四年乾隆四年 旌

蕪水縣志

卷之十五

列女

十九

高氏周耀先妻家貧姑老夫傭莫給氏日餐野蔬紵績以供姑養夫死鬻敝室以殮矢志奉姑及姑死殮畢痛哭自縊死時年二十二乾隆四年 旌

柴氏周洪愷妻年二十三夫亡家貧奉舅姑盡禮遺孤必纘復天立孫以祥承祀苦節二十九年乾隆六年 旌

徐氏監生張永年妻夫亡守節一子早死以族子爲嗣

乾隆六年

旌

龔氏生員周漢昭妻年二十八夫亡無子越六年夫兄



舉子氏立之月餘抱養至於成立守節三十六年乾隆六年 旌

周氏鄔世松妻年二十六夫亡立從子為嗣孝事舅姑守節三十五年乾隆七年 旌

鄧氏縣丞宋國器妻年二十八夫亡守志孝奉孀姑撫孤士吉成名守節六十一年乾隆七年 旌

曾氏劉邦正妻家貧夫病割股以進及夫死撫兩子漢伊正全皆成名守節五十四年乾隆七年 旌

尙氏生員萬永芳妻年二十二夫亡撫九月孤成立苦

蘄水縣志

卷之五

列女

于

節六十一年乾隆八年 旌

胡氏王天祐妻年二十二夫亡無子立從子為嗣守節三十年乾隆八年 旌

蔡氏武進士徐本信妻夫歿京師氏聞訃幾絕事兩世孀姑盡孝撫遺孤立行有成守節二十七年乾隆九年 旌

魯氏石永銓妻年二十六夫歿事孀姑盡孝撫五歲孤

柱濤成名乾隆十一年 旌

陳氏可光義妻年二十四夫亡舅姑垂白在堂氏奉事



甚孝撫兩月孤啓棟成立棟恪遵母教繩尺不踰中  
年以疾逝囑子燦呈請表節乾隆十一年 旌

孔氏儒士可啓謨妻年二十五夫亡家貧撫四月孤一  
煜事舅與繼姑以孝著後一煜成立與婦徐氏經營  
拮据誓爲建坊表節於乾隆十一年 旌徐氏徐

魁舉之女孝婦也卧病血勞建坊時猶強起餉工姑  
令稍休答曰此兒婦生平願也雖死何辭迨坊竣氏  
旋亡族里深爲悼嘆云

李氏范家槐妻年二十三夫歿遺孤四歲旋天立從子

蕪水縣志

卷之五

列女

三

爲嗣與孀姑同寢室奉事勤謹乾隆十一年 旌

翟氏南風高妻年二十七夫歿撫孤授室後復天立從

孫承祧守節三十年乾隆十一年 旌

徐氏李達妻年二十七夫歿甘貧矢節孝事舅姑撫遺

腹子成立乾隆十一年 旌

盧氏張雄壽妻年二十五夫歿甘貧守節女紅自給孝

事孀姑撫二子成立乾隆十一年 旌

張氏華濟川妻年二十八夫歿甘貧矢節孝事舅姑撫

三歲孤旋天立從子爲嗣乾隆十一年 旌



徐氏李長郁妻年二十四夫客死氏迎柩歸葬無子忍死二十年俟夫弟啓昌舉子立爲嗣苦節六十餘年  
乾隆十二年 旌

王氏監生鄧應善妻年二十四夫亡撫五歲孤朝棟成  
立授室後棟復早死氏與婦尙氏同心矢志立族孫  
爲嗣建祠宇捐祀產守節四十餘年乾隆十二年

旌氏歿後尙氏克繼姑志以節終

趙氏生員楊承材妻年二十九而寡孝事舅姑撫兩孤  
成立守節三十二年乾隆十三年 旌

蕪水縣志

卷之十五

列女

三

倪氏姚玉麟妻南漳令桐城倪灝女年二十八夫歿遺  
一女復殤氏侍奉孀姑孝謹姑歿喪葬盡禮人稱節  
孝兩全乾隆十三年 旌

南氏庠生周郁仕妻國學生南濬女年一十于歸夫病  
割股以療絕而復甦者數次二十四夫亡一子早夭  
立姪象乾爲嗣乾隆十五年 旌象乾亦早逝僅

生一女遺婦王氏年二十二與姑同志撫從子構雍  
爲嗣後以節終

項氏袁士龍妻年二十九夫亡守志上奉舅姑下撫遺



孤守節二十六年歿五十四歲乾隆十六年 旌

林氏郡庠生徐士俊妻羅邑庠生林奎女幼明大義適

士俊篝燈佐讀勉立名業年二十九夫亡竭力奉舅

姑存歿備禮撫子應魁鵬飛成名守節二十六年乾

隆十七年 旌

余氏孔世璠妻年二十二夫歿無子立嗣承祧孝事舅

姑守節三十年乾隆十七年 旌

王氏萬維藩妻年十九夫歿守節三十六年乾隆十八

年 旌

蕪水縣志

卷之十五

列女

二十三

蔡氏姚承典妻年二十二而寡堅貞自矢守節三十一

年乾隆十九年 旌

陳氏儒士徐澤揚妻蘄州廩生陳于座女幼嫻姆教孝

事父母十九適徐奉姑旌節貞女鄒克盡孝養年二

十二夫亡誓從地下貞姑勸慰乃茹痛強起立三房

次子七義為嗣撫養成立苦節三十年已請 旌

南氏饒訓世妻庠生南之麟女 贈文林郎南有杞之

孫女年二十六夫歿長子上湖甫二歲次子有年尙

未週氏矢志撫孤和熊勵學至於成名守節三十七



年已請 旌

朱氏監生張能行妻武進士朱應高孫女年二十四夫  
歿遺孤旋天立姪宏勳為嗣教子身列黌序乾隆二  
十四年 旌守節五十一年歿年七十匹歲

余氏鄭紹利妻年十九夫歿孝事孀姑撫遺腹孤邦英  
甘貧守節歷四十五年已請 旌

李氏聞源昌妻李世蕃女年二十四夫亡時源昌祖母  
年八十氏與姑奉事維謹撫孤子盛棟成名娶葉氏  
期年而盛棟天無子立姪大勳為嗣與婦撫養教讀

蕪水縣志

卷之五

列女

二十四

撐持家計乾隆二十五年

旌壽九十三以節終

陳氏監生李楷妻年三十夫亡守志歷三十八年乾隆

十四年 旌

周氏歐陽成棻妻孝事舅姑年二十八夫亡矢志撫孤  
子灼成立後入國學灼亡復撫兩孫龍溪鳳儀登仕

籍守節五十九年乾隆二十一年

旌

邵志參  
新增

程氏儒童高佑琳妻年二十一夫亡撫遺腹孤啓賢成  
立娶婦汪氏啓賢尋夭撫孫大昌成立壽七十有三

守節五十三年已請 旌



陳氏監生周建子妻儒童陳文生女監生周天極子婦也氏年十九于歸建子慧而好學致弱症歿遺孤世堂僅穉齡氏矢志守節孝奉舅姑踰九年舅天極故氏與繼姑南延師課教經營家計俾世堂得以成立已請旌 以上邵志

徐氏儒童李近守妻歲貢徐泗水之女遠安教諭李光祖子婦也年二十六夫亡撫遺腹孤成立守節年例已符乾隆十五年旌

王氏高正簡妻年二十一夫歿氏矢志堅貞孝事舅姑

勸水縣志

卷之十五

列女

三

守節三十二年乾隆二十四年旌

華氏黃士炎妻歸炎四載炎病歿矢志守節冰雪其操乾隆二十六年旌今子孫他適建坊猶存

盧氏儒童李聞仕妻貢生盧經邦女年十九歸李逾三載夫病篤氏盡心醫藥百計求痊二十一歲夫歿無所出時孀姑岑氏在堂氏欲以身殉恐顯傷姑心越旬有七日竟忍饑於悒而卒立姪含瑾爲嗣乾隆三

十二年旌

樂氏生員程開儀妻年二十二夫病篤嚙氏臂以盟血



流通體氏願以身代及歿遺腹生子光瑋體弱多病  
氏備極劬勞事舅姑孝養周至歿後殯殮盡禮撫孤  
成立名列成均乾隆三十二年 旌卒年七十有  
六守節計五十五年

戴氏鄭毓芳妻年二十三夫亡遺孤嘉謨氏延師訓讀  
教之嚴切俾列成均守節五十七年乾隆四十二年

旌

郭氏陳斐章妻年二十二夫故遺孤二次早夭氏志厲  
冰霜敬奉孀姑撫孤正魁俾入國學守節三十年乾

蘄水縣志

卷之十五

列女

三六

隆五十五年

旌

以上縣卷計

國朝已

旌列女柒拾陸傳

翟貞女生員翟廷謨女幼許饒上池未婚上池死女時  
年十八聞訃哭暈投地數次請於母同赴饒弔撫棺  
泣血絕飲食者三日諸姑強諭起之乃進淡粥自是  
入居深室不出戶撫嗣子華光入邑庠年六十餘以

節終

邵志參  
新增

邱貞女父德崇幼許監生安撫邦子士鑽未婚鑽歿欲  
往弔父母不能止同母赴弔撫棺痛哭矢志守貞立  
姪正璧爲嗣苦節四十餘年



烈女俞氏幼許巴河高渭璜之子某俞世居黃岡陶店  
祖章彝與渭璜訂盟未幾高氏貧子得疝疾鼻唇俱  
無流爲丐乾隆十七年渭璜見其子殘廢無生人理  
之俞氏願退婚立寒盟約女聞趨出碎其約流涕叩  
渭璜曰女生死高氏身雖富族不忍適渭璜亦泣諭  
以殘廢之故女曰是皆命定欲易之安知將來不乞  
丐乎議遂寢次年夏渭璜與其父議決再字般族將  
聘先一日女聞之默無一言是夜沐櫛斂裳自縊死  
一時嫻友隣里咸哀嘆之

高烈女高一崑之女也幼字夏觀籍子國傑未婚傑沒  
女年十九聞訃痛哭誓不願生至晚更衣自縊死宗  
族憐之舉棺與國傑之柩合葬焉

高烈女高時憲之女幼許李飛熊之義子招兒兩姓俱  
貧未婚招兒死女有殊色人爭以兼金啖其母母亦  
利其賄矣微示意於女女佯諾之恐變生不測也夜  
半自縊死

韓烈女三家店韓國珍女幼許方開述之子先岱未嫁  
岱死女年十八聞訃欲奔喪母以未嫁諭止之女泣



告以有姑可事必終志母堅不許女持素衣日夜泣誓死不欲生越某月某日先岱葬女聞之卽於夜半自縊死

以上邵志

陳貞女父光澍幼許監生蔡文翰之子士徵未于歸士徵歿女憤不欲生欲往弔父母不許蔡貧甚無以爲家或有議適人者女泣曰生許蔡門死卽蔡鬼戒勿多言父母喻其意遂終母家守貞三十餘年歿

周貞女父信臣幼許字岡邑王以坤之子信臣早歿遺腹生貞女年十六而其母又亡依伯叔撫養成人聞

蕪水縣志

卷之十五

列女

二十六

數載王氏子流爲丐百計尋獲促其入贅并給錢數千文以爲資王氏子攜錢陽諾而去次年有丐者持柬至門欲寒盟約恐誤女終身王氏子亦尋沒時女年二十有二或有勸其適人者女恚曰一女字兩姓辱莫大焉我決不爲遂焚綺麗縞素終身女工自給現年七十有四其從姪生員周承烈迎養於家鄉閭稱之曰周老女

黃烈女父儀宰母王氏幼許監生萬里風之子濃蔭乾隆三十九年濃蔭年十四而夭女時年十七聞訃欲



奔喪父母阻之女終日哭泣不輟遂同母赴弔一痛  
幾絕拜見舅姑留不肯歸心常憂鬱顏色憔悴舅姑  
勸諭暫歸母家解鬱及歸而憂傷益劇至四十一年  
女年十九有富家求婚女聞憤甚遂於是年十一月  
十九夜乘隙登樓自縊及母奔救而氣已絕矣是夜  
萬家燈盡暗晨起聞女已捐生母家爲之塋於聯二  
塘立烈女碑事詳碑內迄今白石磷磷皦然在望也  
程烈女父人高母王氏幼許字魯氏子某女年長未于  
歸而魯氏子不才甚女日夜勤紡績積有餘貲接兄

新水縣志

卷之五

列女

三十九

密以付魯勸其營家計乃仍不悛將術娶歸爲轉鬻  
計謀已成女聞憤極泣曰貧苦常也棄妾命也生何  
爲哉遂縫其衣襦自領至足皆極周密躍池水中自  
溺死

王貞女農民王志賢女幼許字儒童范德植未于歸乾  
隆二十九年德植故女年十六聞訃欲奔喪父母力  
止不能遂隨母往弔號擗幾絕因勸諭勉存活以有  
姑可事必守不二之志遂拜見姑縞衣練裙入內室  
不返母家事姑盡孝盡禮二十餘年乾隆五十三年



病終得年四十一歲立姪昌立爲嗣 以上縣卷貞  
女烈女共十一傳

蘄水縣志

卷之五

列女

三十